

Primo: laudant S^{tem} V^{am} de missione legati et persona missi, extollunt optimam voluntatem Beat^{is} V^{ae}, non quod nova eis visa sit, sed quia, quo magis continua, eo magis eis est grata, sperantque per eam omnia bona fieri posse.

Secundo: Quod¹ ea, que per me dicta sunt de libidine dominandi huius Turci et multis regnis intra² breve tempus per eum acquisitis et continua oppressione Christianorum et insatiabili desiderio veniendi in Italiam, verissima sunt et ipsi³ ea optime intelligunt et antea intellexerunt. Propter quod subierunt continue magnas expensas presertimque hoc tempore, ut furori eius resisterent; quod nisi fecissent, Turcum iam in Italia haberemus.

Tertio: Quod⁴ ad generalem expeditionem semper fuerunt parati et nunc maxime sunt et putant ad hoc omnino⁵ deveniendum et utinam, inquirunt, iam devotum esset; et quod propter ea maximam fecerunt diligentiam⁶ apud ser^{mum} dominum regem Ungarie, primo per nuntium, quem illic assidue detinuerunt, deinde etiam nuper per nobilem oratorem ad hortandam Regiam Maiestatem, ut forti ac constanti animo perseveret, et quod nunc mittunt ob eandem causam unum ex primariis civibus, dominum Paulum Mauriceno, in Germaniam, Boemiam et Poloniam ad dominos illos adversus Turcum⁷ incitandos. Addunt tamen reverenter et ut filios decet dicere se, quod sedes Apostolica implicita bellis Italicis neque per se potest bello incumbere, ut necessarium foret, neque alios, sive Italos, sive externos commode movere. Propterea reducere se cum omni reverentia ad memoriam V^{ae} Beat^{is}, primo ut dignetur dare pacem Italie, ubi dari potest, presertim⁸ nobis et honorabilibus mediis oblatis; ubi vero fieri pax commode non potest, indicare⁹ inducias; deinde rebus ita compositis persuadere ser^{mo} domino regi Francie, ut ad hanc rem concurrat, quod non dubitant, rebus in Italia sic compositis Maiestatem Suam facturam, presertim concessis ei decimis, vigesimis et trigessimis locorum suorum. Se non modo excitatos esse, sed iam motos in re ipsa versari, cum iam iam exercitum coegerint mari et terra, ut in omni casu reprimere possint impetum hostis, et occasione se offerente viribus uti ad honorem Dei et exaltationem religionis, neque solum se et ceteros¹⁰ Christianos defendere, sed etiam vim ultra in-

¹ BACHMANN: item.

² BACHMANN: inter.

³ BACHMANN: illi.

⁴ BACHMANN: idem.

⁵ BACHMANN: omnimodo.

⁶ BACHMANN: intelligentiam.

⁷ BACHMANN: Turcos.

⁸ BACHMANN: presertim.

⁹ BACHMANN: inducere.

¹⁰ BACHMANN: externos.